

第一春風集

陳寶琛題



光緒乙酉冬

桂游吟草



栽雲館藏板

自序

且自國風起而詞源出楚詞作而騷體傳蓋詩之興於

周盛于唐其由來久矣 國朝以文章取士三藝之外

必有試律一篇是亦本風雅之遺合揜揚之旨焉予不

敏少識之無便耽吟咏長君舉業倍好研窮每於窗几

淨明之地山川遊覽之天製來長吉錦囊廣收妙句夢

到灞橋驢背搜盡枯腸偶和白雪高歌賂句畫旗亭之

壁願學清平一曲拈毫補樂府之詞癖等嗜痴情不自

禁癸未歲隨侍十閩繼遊五嶺計居八桂條度三秋其

地有灘浦鳧江之水月牙風洞之山其人又有趙心笙

桂游詩草序

彭星丞諸詩家時相唱和故在粵西得詩窟夥旋於乙

酉秋 家大人調任閩藩駢載賦僕僕難言然而過

蒼梧而弔湘妃見爛柯而懷王質海天一色浪鼓雙輪

雖於風塵之中不減推敲之興到閩後檢抄叢稿擇其

語不涉險意取翻新者百餘首售諸梨棗不計妍媸名

其篇曰桂游之草誌其時於梅放之初聊綴弁言用作

小序願 大方家進而教之是爲幸爾

光緒乙酉長至日多種紅豆館詞人張毅謨時侍任三

山藩署訂于第一春風之官齋

讀彭星丞霧隱山房詩集題其後

大雅星丞子詩名遍桂林吐詞皆至理建議見深心春  
草池塘句江楓淞水吟清新兼俊逸相對想宵襟

展卷焚香讀君詩信有神斯才稱宿手明月是前身寫  
景都成畫推陳更出新笑予忘醜甚捉筆和陽春

春燈詞元夜

滿街鑼鼓鬧春燈惹得游人意氣興笑問飛龍任人戲  
緣何不作禹門登

桂游詩草

月色精瑩照瘴鄉一年乍見一輪光陰雨兩月今年今夜月色甚佳不

知此日燈花夜多少游人欲斷腸

恃嬌小婢送燈來

謂侍兒彩虹

爛漫天眞頗快哉迴憶兒時

騎竹馬大家攜手春臺

春興

屈計更番廿四風園花白白間紅紅三春生意詢歸燕

萬種情懷指斷鴻

時未接家書

偶樹彩旛親囑婢爲栽異卉

慣呼童閒來日日渾無事吟得新詩氣轉雄

桂子謠有序

桂林藩署有桂花一株樹老心空洵百年物也每

於九月始花花落結實綠珠纍纍甚爲可愛至來  
春則熟色黑紫矣予隨侍在署見而異之蓋耳聞  
雖多目見實罕爰爲長歌以誌異云

敬事堂東有老桂樹老心空葉濃翠枝柯不畏風雪威  
後凋何妨值寒歲老桂年年秋日開金粟香吹滿官齋  
倘栽月中伴青女世人誰不仰仙才老桂偏生紫微省  
滄桑閱徧成獨醒朔風一轉散天香枝閒纍纍結子穩  
結子穩何所同恍似蓮實出蓮蓬初則嫩綠凝滴滴熟  
色與紫蒲萄同笑我多聞不多見心目到此爲一變鳴  
呼天下之大何奇無卽此一物可爲鑒我對桂子發高  
歌老桂如有知爲我舞婆婆折得一枝袖爾去何必直  
奔蟾窟問姮娥

清明日看插柳

插柳復插柳春城此處飛花否禁煙不到粵人國成佳  
節清明風雨多我觀插柳爲之歌柳汁染我衣如何

寄張漢章

懷友思鄉兩不忘誰知思友甚思鄉秋風桂子春風杏  
旅舍京華共話長余將應試北闈漢章亦公車  
會試彼此函約在都見面

窗外白醪醱一架花盛開卽以爲題

餘醪萬朵架邊開小夢清香陣陣來不向海棠爭豔麗

殿春應不讓花魁

頃彭星丞寄來詩稿詢近作且問歸期并云飛鳥

久疎詩以復之

日日官齋坐懷人首獨搔切磋情寂切破浪興空豪時

家君留住應試之期未敢遽定詩句囊中少華箋獎太高買絲真欲繡

不是懶揮毫爲星丞點定詩稿

詩本堪名世何須嘆末僚一朝拖墨綬萬里上青霄未

去攀丹桂彌懷奪錦標鶴臯吟半卷寄去解君嘲以子拙稿

呈教

贈星丞白醪釀花繫以詩

桂游詩草

三

名花祇合贈幽人開罷羣芳獨殿春亦等薔薇曾浣露  
一闌香夢悄含顰

春雨

連纖春雨客蠻鄉窗外醪釀送晚香寂寂蕭齋誰是伴

多情幸有馬頭娘王師已歸子正養蠶

謝勞紹畚贈箋

雲樣裁成滑可憐殷紅浮碧喜兼全愧無麗句題魚網  
感荷高情餽鳳箋懷素蕉多堪寫葉洛陽紙貴漫論錢  
捧持滿篋來天上不愧瀟湘十色妍

桂林四月朔日夜漏三下風雹交作窗前老樹盡

拔予酣眠未醒次日讀彭星丞所作長歌復其  
一首

早起忽聞昨夜情風雷拔木勢堪驚怪予祇與周公語  
穩在眼中夢未醒

杜鵑

杜鵑啼徹動人思况是年逢大比時予亦浩然將命駕  
鄉關歸去省萱幃

黃兆懷郎中寫扇

記逢八桂結交初冰玉傳家果不虛今日我爲茲扇幸  
居然乞得右軍書  
扇寫蘭亭序

桂游詩草

聽雨

心舒轉覺逸情生春到清和少放晴人至閒時偏愛雨  
聽來似勝管絃聲

兆懷和予原韻再作一首

對客揮毫秦少游綠情綺麗總名流品來庾鮑君兼擅  
譽到陳思我更羞  
原詩有才成七步嬾黃初歸似畫梅難解渴才難

攀桂負同儔

原詩有秋風洗眼羨賢書

日來儘有吟詩興得句強封

萬戶侯

讀隨園全集

盛朝多少奇男子更有奇人是子才讀破萬書天地窄

吟成一句鬼神哀了無迂濶從心欲大半風流自性來  
我到至今留一恨空餘思慕企南臺

隨園廿四景  
內有南臺

### 無心菜

菜以無心浪得名早知難與說調羹世人莫學無心菜  
學到無心誤一生

### 橄欖戲作

常言諫果苦還甜不道如今一味澁始信時非果亦非  
空有其名無其實

四月初七日季端孝廉來約明日乃兄納采今日

念及心筓亮臣諸友轉勝往日之切詩以紀實

桂游詩草

五

清和雨後起輕寒久坐書齋意欲闌自喜明朝將會友  
却從此日欲忘餐

### 觀心筓與人對弈戲呈心筓

滿盤黑白子橫斜圍去圍來靜不譁寄語座中當局者  
莫遲一著讓人家

五月十日趙庫廳心如贈蘭數枝詩以道謝

平生累我因花癖今惠幽蘭喜欲狂言有同心占易象  
湯纔浴體記端陽瓶中供養煩襟爽風過飄揚滿室香  
如此名花非易得報君真愧乏佳章

### 瓶蘭



怪道蘭爲王者香瓶中斜插味悠揚吹來鼻觀心俱爽  
數到枝間興更狂入室人皆誇臭氣不言我更愛清芳  
挑燈對坐成欣賞一顧名葩意徜徉

對月吟

納涼月下敘天倫惟有家庭樂最真愛此清光人不寐  
離離花影上閒身

捲盡纖雲放月光庭中小坐晚風涼清心一碗寒冰水  
不怕寒因有熱腸

孟夏日卽事

詩興皆因夏日長薰風明月入詞章石榴已放紅於火

桂游詩草

六

又見蜀葵花嫩黃

茉莉

乍見盆中茉莉開香風吹送上階來襲人氣味清如許  
好贈佳人伴鏡臺

咒蚊

南國生憎長喙郎雷鳴鼓翅往來忙袒來左右惟揮扇  
飛上皮膚卽是瘡最好傷人血與肉但能捉爾懲還創  
偶然痒極忘披頰此事思之憤莫當

一壺

一壺茶又一壺茶司馬而今渴更加但得臣心真似水

吸乾銀漢倍清華

喜雨卽晴

一陣風兼雨煩消暑一庭雲收天露白山與樹全青蒲  
扇揮應住荷池響可聽披襟迎爽氣得句快書屏

早起

早起覺晝長清氣獨消受夏日本可畏固不論肥瘦持  
扇不急揮薰風窗紗透

雨後

雨後生新涼不覺絺綌薄但有清爽氣而無酷暑熱蜻  
蜓亦悠然飛來復飛去

桂游詩草

鳥鳴

好鳥枝上鳴見人不生憚應知公子賢未肯金丸彈關  
關復關關譟聲珠一串

聞蟬

千竿修竹碧森森竹裏何人一曲琴庭下晚涼散步月  
忽聞高樹一蟬吟

喜晤王月三司馬至自天津

漫道天涯遠蠻荒忽遇君異鄉初邂逅相見各歡欣把  
酒心真愜吹蘭氣自芬誰知班定遠萬里說從軍

月三將赴

南關軍

營投効

辭家今五載歲歲動歸心一陣薰風好吹來故里人頻  
詢春社雨細問故鄉親彼此天涯客江湖笑綠蘋

玉簪

一朶纖纖白玉簪天然皎潔抵千金席郎已去田郎杳  
愧我窗前盥手吟

晚香玉

愈晚香愈重若論色更佳雖非瓊樹比亦不等凡儕可  
置芙蓉帳還宜翡翠釵銷魂鴛枕畔清氣滿襟懷

夜來香

異卉奇葩色已詳夜來名獨異尋常倫簪雲髻花愈豔  
待入羅幃味更香醉我每於鴛枕側襲人還趁鳳釵傍  
偶然睡去神俱適曉起猶餘滿鼻芳

無題

點點蒼苔碧色佳紅閨繡閣任安排來生願化香階草  
消受佳人小鳳鞋

家書

家書久不至游子勞夢想安得生兩翼飛回親堂上

小齋

小齋幽敞引薰風把卷清吟興不窮洗硯烹茶忙未了  
又添一個小書童

偶與胡荔村月下共話一蟲飛上其肩子得一個  
蟲兒飛上肩之句荔邨欣賞不置遂足成之

把臂聯吟又一年青衫無恙話階前涼風滿院月當戶  
荔村一個蟲兒飛上肩

伏日紀事四首

讀罷輿逍遙官齋趣獨饒日高聞鳥雀風急颭芭蕉  
草時飛蟻高槐正沸螭南華持一卷那復有無聊  
夏日放晴曦天風蕩蕩吹招涼搖畫箑避暑下書帷  
鹿知聽講頑童解看棋蟬鳴聲不斷似助我吟詩

日午更嚴威新更半臂衣枝閒聞鳥語天上看鷲飛

桂游詩草

曲繙琴譜鈔書掩綺扉湘簾垂未捲花影尙依依  
睡起靜無譁香來瓶裏花桐陰纔上牖鸚鵡替呼茶  
小婢調冰水佳人進葛紗更憐修竹好簾外數竿斜

陳母莊太恭人八秩壽詩

陳師舜伯陶刺史之母  
節孝兼全晉選旌獎

今逢八秩容縣紳士作徵詩荔  
邨索句於子因譌長壽曲四章

壽母偏能節孝全灰飛葭管做瓊筵十一月竹筠早歲

標高格松柏長春享大年 芝諾頌恩開八秩蟠桃

結實紀三千持毫亦上華封祝如此賢聲萬古傳

斑衣此際博親歡倍憶當年柳母丸割肉進湯心已碎

壽母曾於封翁病 侍親教子事尤難封翁逝世時上有  
雙親下有遺腹

捐身幾度承天佑壽母初遭大故自縊三次投後園課池一次皆獲救不死誠天佑也

讀何妨到夜闌去日苦辛今日樂笑披金蟒與花冠

錯節盤根閱幾時一聲雛鳳壯門楣伯陶由廩生從事戎馬保薦藍翎同

知選授廣西容縣滿城齊頌龔黃政獻壽同調天保詩遙望護

堂增瑞色遠裁蕪柬祝長眉應知海屋添籌日瓶裏光

開五色芝

繞階蘭桂祝三多一室慈祥召太和 九陛恩嘉垂

簡冊百年人瑞壽山河貞操髦髦尊巾幗儉德衣裳却

綺羅壽母至今不著羅綺從此期頤欣祿養不須歲月感蹉跎

登銅鼓樓賦示荔村北懷樓在廣西巡撫署中

桂籍詩草

十

銅鼓不可見高樓今尙存雉城環四面烟樹辨千村天  
外山都小庭前鳥亂喧登臨一憑眺王粲莫同論

小臥

小臥意欲眠持書不忍捨還眠還讀書二者兼不可急  
起避睡魔掩卷自寬假走入荷深處持竿學釣者

晚霞

誰說朝霞顏色工朝來人尙在眠中晚霞更比朝霞好

照得人間處處紅

虹

斜陽隱隱月濛濛晚景皆因雨後工天可作袍霞作綺

一條玉帶繫晴虹

聞荔邨言志詩以贈之

欲挂臣冠戀物華  
洞庭深處是吾家  
扁舟一葉遊天下  
半載奇書半載花

立秋日 六月二十七日

金井初飄一葉梧  
涼痕不覺上紗除  
秋心濃透相思艸  
旅舍頻思故國鱸  
斜日雁行排陣遠  
夜燈蛩語咽聲粗  
更來高處登臨望  
紅樹青山入畫圖

家大人調任閩藩誌快一首

小別三山倏兩年  
九天詔下又言旋  
木連理院紅

桂游詩草

十一

梅館

閩藩署名勝

舊地重來樂莫宣

廣西竹枝

粵中小婦鬥蠻粧  
六寸圓膚綴綴光  
一陣香風香撲鼻

回頭行過賣花娘

登樓望山

樓在伏波門奉直八旗會館

越人昔背漢家盟  
瘴海鯨鯢未易征  
一自將軍銅柱界

青山留得伏波名

伏波山

孤聳巍峩獨秀峯  
遙覘石磴幾多重  
大才安用他山錯

冰鐵威顏萬古同

獨秀峯

堯山舜洞比華嵩  
樸質猶存上古風  
莫慢搖獐雜處地

中天遺跡尚降隆

堯天舜洞

習靜園 粵西藩署

習靜園中邱壑工樓臺掩映樹漫空一灣流水行何處  
遙望長橋臥彩虹

八柱樓 習靜園中八景

金粟花高定可攀瓊樓四面繞螺鬢中秋明月誰攜酒  
子將赴 閩故云來賞清香到小山

問梅軒

老梅溪畔已枿榭葭管飛灰樹正花有客憑軒添冷趣  
愛看臨水影橫斜

桂詩草

來鶴亭

茅亭築就仿孤山子鶴妻梅意兩闌 亭前有老樹一本 祇惜厲  
公非處士薄書鞅掌幾時閒 時常邊事恹恹來此者皆無暇遊覽園遂廢焉

攬秀亭

臨風把酒獨登臺萬里雲山曙色開獨秀峯高迎面立  
紫袍金帶肅然來 亭對獨秀峯故名攬秀爲園中最高處紫袍金帶峯之石刻也土人呼爲

紫金山

豐亨亭

知是誰人喜雨亭 亭爲長方伯廣喜雨所築 虹橋西岸艸青青蕭森  
左右千竿竹有個詩人倚柱聽

花神祠神阮姓名風篁秦中女史國初吳逆之變盡節焉

春日何煩羯鼓催惟憑靈爽四時開清明時節花如錦  
隔岸欣看燕子來

不繫之舟

不繫舟偏築水濱花開浪暖若耶春不須纜爲根基固  
那有風波許問津

杞菊圃

屏藩官署駐王臣壽世功勛更壽人何用延年栽杞菊  
聊將小圃伴良辰

古意

桂游詩草

三

郎心自愛花妾心自愛月愛花花易殘愛月月常缺何  
如妾與郎常對花前月

立秋後一夕心如又贈蘭花占此云謝

折贈蘭花兩度頻同心許我豈無因官齋臭味添多少  
香氣吹來滿座春

觀月課誦

家大人以藩司代院月課予往觀之歸作此誦

中丞統文兼轄武壯士桓桓如貔虎三軍畢集演武廳  
將先卒後齊聽鼓雕翎虎韞腰中懸彎弓發矢各爭先  
射不主皮在觀德三箭中鵠樂陶然再觀燴炮亦何穩



聲聲命中之準烟燄騰空天地迷雄師又何畏獵狝  
衣冠踣退大旗開後有猛士魚貫來鉦鼓齊鳴催陣進  
長鎗大戟嘆奇才掀天揭地推此輩粵中健兒真無對  
五花八門逞技能一棒鑼聲各歸隊勝者負者升公堂  
稽首拜手意氣揚鵠立兩行靜不語踏花歸去馬蹄香

### 戲柬心笙

區區小扇仿題襟倩畫求書費苦心不信嵇生偏懶慣

金壺墨汁惜如金

錦雞

下府最多昨以千五百  
青蚨購得雌雄一對

此物真華貴當之二品官寄言天下士莫作野雞看大

杜詩詩草

古

清會典文官正  
二品錦雞補服

無題

昨夜薰風好紗窗扇扇開偶看雲破處露出小星來

### 望雨

望雨原非自此朝夢中常聽響瀟瀟好雲莫讓風吹過  
降點甘露潤彼苗

### 雨中閒吟

靜裏閒吟覺日長碧筒滿引酒千觴人當年少心愈壯

節近秋來雨未涼

立秋後五日

花鳥有情皆我友藪鱸無日

不思鄉瀟瀟愛向檐前聽喚取輕羅倚畫廊

二十一初度

雙星明日渡銀河逝水年華莫浪過飲酒讀書愁思少  
吟風弄月逸情多自知翰墨輸詞客那有文章稱大羅  
慚愧槐花黃時節逢人怕聽說登科今秋因侍任未得  
歸試心恆歎焉  
少不成名未可哀少年莫把壯心灰買臣還有爲官日  
季子終成輔相才但去讀書休志餒自能富貴及時來  
蠻鄉酒亦堪稱壽且酌金盞飲滿杯

七月十一日風雨大作涼生几簟枕上口占

風雨滿樓頭涼生几簟浮雁聲催遠信天氣逗新秋案  
上青燈閃窗前翠竹巖擁袞聽不寐遐思正悠悠

荅游詩草

五

七月十三夜望月

當頭皎皎一輪懸清爽宜人七月天日近望時裁扇魄  
月當明處滿庭烟光昭天上星都小影照池中水亦圓  
冰簟銀牀尋好夢一聲秋雁過窗前

秋闈月

月照秋闈色倍清美人含睇復含情一奩玉鏡如斯朗  
七月銀蟾已自明斜倚闌干思底事細聽砧杵憶從征  
問郎今夜涼於水新製羅衣著未曾韻通

留別桂林諸友

一封

丹詔促星輶

家君既拜調闈之命七月十  
六日接奉電旨著由廣東乘

輪迅赴新任現定  
本月二十九起程  
旅客行期卜詰朝楊柳依依牽別緒  
青山一路送迢遙

秋風乍起桂林邊  
解纜忽忽七月天  
我是曾經滄海客  
不妨攜手上樓船

驪歌一曲別良朋  
兩載棲遲又遠征  
聚散尋常何足惜

催人杜宇喚聲聲

時予又有由東回里之議

香飄金粟桂花秋  
男子襟期四海游  
但願一帆風順好

青天明月到瀛洲

雨後偶成

小立畫樓西  
詩成卽景題  
山經秋雨翠  
天爲溼雲低  
紅

桂游詩草

六

豆階前結斑鳩  
枝上啼鄉關  
歸有日得意酒頻攜

二十一日送印與新任去後歸至齋中得句

印朱兩載染征袍

予在此謫現用印並代印巡撫事兩年以來朝夕揮之出入今日交卸亦

有依依之意也

此日閒情意氣高  
命僕錦囊須打點  
山川一路

助詩豪

早過杉湖

杉湖曙色望氤氳  
柳自陰陰花自芬  
水面縐來千尺錦  
山尖插入半天雲  
尙餘漁火閒鷗睡  
何處鐘聲遠寺聞  
行過酒帘高挂處  
當墟不見有文君

潯行前一日出文昌門至象鼻山驗船馬過杉湖

杉湖滉漾耀波光馬上看山興轉狂此際閒情人不識  
秋風陣陣灑衣裳

相思江寄旋示荔村兆懷諸友

相思江水水相思水號相思水亦奇幸有桃灘留客住  
行程第一要新詩

江行卽景

又赴看山約西風賦遠征奇峯不在貌流水自成聲老  
樹沙邊卧扁舟石土行昨朝人苦熱一雨覺涼生

舟中作

時近清秋水亦清鵬帆萬里挾舟輕每當船轉疑山轉  
桂游詩草

七

常把江聲作雨聲一片澄波真似鏡數株高樹別成林  
涼風灑灑平平渡此日中流自在行

江雨

江雨又江風田家在望中沙堤青草滿一箇牧牛童

大墟江留別晉三荔村兆槐

秋帆暫住大墟濱君返榕城我赴闕桂林一榕城此日分襟  
休惜別江風最易聚浮萍

瀑布

一壑奔泉勢不回丹青此際畫圖開如何一樣出山水  
流到長江作雨來

飲酒

飲酒乘船亦自閒，滿江風雨辨雲山。  
灘多灘少關何事，貪看飛泉絕壁間。

過陽朔

陽朔城初見，陰雲淡未開。  
搖舟山下過，獨憶阮芸台。  
陽朔

山水名勝爲阮文達元所賞識子兩番過此皆怒怒解纜未得登覽

次彭星丞贈別原韻兼以奉懷

汪淪比情深，岸上聽高吟。  
季膺動歸思，一曲秋風琴。  
奚囊得佳句，滄海壯客心。  
灘江今暫別，桃潭懷知音。

自幼懷遠志，攜琴萬里行。  
象山留瓜印，羊石放舟輕。  
飲

桂游詩草

六

酒何妨醉讀，書豈爲名兼。  
葭秋水闊，洄湖不勝情。

平樂看山

八桂山多另一班，今朝始得見青山。  
葱蘢乍看蟠螺髻，鹵莽全消換黛鬟。  
有數人家臨水住，無多魚艇傍江閒。  
謝公屐齒今安在，萬疊蒼巒去一攀。

昭平早泊

一曲漁歌子，細聽曉鐘乍動。  
夢初醒，一灣雉堞窺窗鏡。

昭平縣城在江邊

四面螺髻列畫屏，到耳浪翻千尺白。  
此處有大灘

當頭松密滿山青，舟中幾日心俱靜。  
閒看鸕鷀立釣船。

三門灘作

長灘三百六三多

桂林至梧州有灘三百六十三

纔過三門又轉舵聞

與舟人論水道秋風細細縵江波

予前歲過梧州祇以去粵愈遠還里愈難感觸縈

懷曾作七言四句今家君三山調任重過梧

州歡怵之情迥異疇昔特反前意又作一首

扁舟今又宿梧州祇覺歡欣不覺愁鼓點自傳人自寐  
任他江上報更籌

哭左相

時予行至梧州即接電報

惡耗驚傳左相薨東南半壁失英雄海疆纔可修和睦

法初和

富貴還能到考終此日將星悲五丈昔年勛業溯

桂游詩草

九

江東平生未覩威儀在遙望三山哭晚風

良將云亡

聖主憂一官封已列通侯東西南朔威

名重湖海山川意氣休啣

命十閩欽鎮靜偉人干

古仰勛猷

九重哀悼三軍哭尚有書生淚慟流

寄懷桂林諸友

一別知心月正圓

心筌

何如八桂語筵前如一家孝友欽

昆仲

仲儀叔良季端

萬里雲山費酒錢

雲芝

滄海挂帆當此日

海藩

朱衣點首祝來年

朱式甫

蒹葭不盡梧江感况是中秋在

客船

仲勤

寄懷荔村兆懷

離支洞下

在桂林省

別君來幾日懷人鬱未開  
指點梧江上水相思有客獨徘徊

過三水

日落江容好風平浪亦平  
遠山淡有迹飛鳥靜無聲  
斷岸懸魚網疏林垂橘橙  
扁舟搖晚渡欸乃艚聲輕

晚山

晚山淡淡晚波澄  
圖畫天然信有憑  
萬里長江半圭月  
一灣流水數家燈  
煙迷遠渡樹全白  
火燒荒山燄正騰  
亦著錦袍同李白  
高吟誰謂我無能

海珠舟中

桂游詩草

三

海珠駕得小扁舟  
破浪乘風到上游  
十里煙花迷客路  
滿天風月一江秋  
高樓臨水添詩興  
滄海潮回覺浪浮  
自在中流雙漿穩  
恍如身已在瀛洲

題硯

欲訪端溪到粵門  
割來一片紫雲根  
崑山之玉連城壁  
不及文房石叟尊

呈鄉前輩金階午明府

爲侍星輶賦遠征  
末學何敢冒詩名  
風流畢竟推前輩  
月旦居然許後生  
牛渚高吟聊寫意  
羊城小聚竟投情  
平心願附門牆列  
無那青山又送行

羊城旅店題壁

隨侍椿蔭到五羊山容水色帶秋光樓頭賞月儕庾亮  
洞口栽花誤阮郎雲樹故遮千里目江形未似九迴腸  
星輶又向三山發馬足車塵笑我忙

乘海長清輪舟朝發

曉看旭日發光輝蕩蕩蜺旌耀錦衣鍊艦雙輪催浪破  
海天萬里挾濤飛虎門密布新營壘閩水重遊舊紫薇  
此日侍隨多得意秋風一路送征騑

日暮舟中作

落日乘輪好風平浪不生青雲梯可借碧海水平塔

桂游詩草

三

送斜陽影潮回怒馬聲舉杯吟皓月涼意覺秋清

清  
錫  
羅  
康  
伯  
敬  
題



单价·50

